

# INUIT ATAQATIGIIT INATSIARTUNI



UPA2024/28  
Apr.-ip 10-at 2024  
Harald Bianco

**Kalaallit Nunaanni eqqartuussisarnermik inatsisip aamma pisortat ingerlatsinerat pillugu inatsisip allangortinneqarneri pillugit inatsisissatut siunnersuutip (Allagaatinik takunnissinnaatitaaneq, pinerluttulerineq pillugu inatsiseqartitsinermut atatillugu eqqartuunneqarnissamut imaluunniit pillagassangortitsinissamut suliassangortitsinermut atatillugu politiinit, unnerluussisusaatitaasunit imaluunniit eqqartuussivinnit inuup kiffaangissusianut pinngitsaaliilluni akuliunnerit aallartinneqarnerat, ilisimannittut kinaassusaasa isertuunneqarnerat aamma digitaliusumik nalunaarutiginninneq aamma piuminarsakkamik digitaliusumik nalunaarutiginninneq) Kalaallit Nunaanni Namminersorlutik Oqartussanit akuersissutigineqarnissaa pillugu Inatsisartut aalajangiiffigisassaattut siunnersuut.**

(Inuussutissarsiornermut, Niuernermet, Aatsitassanut, Inatsisit Atuutsinneqarnerannut Naligiissitaanermullu Naalakkersuisoq)

Siullermik Naalakkersuisut qutsavigaavut inatsisissamik saqqummiussinerannut.

Inatsisitigut akisussaaffiit sunniuteqarluartuunissaat, pitsaasuunissaat kiisalu ullutsinut naleqquttuunissaat politiinit eqqartuussiveqarnermi siunnersuisoqatigiinnit kisaatigineqartut Naalakkersuisut pingaatimmassuk Inuit Ataqatigiinnit inissaminiitutut isigaarput.

Eqqatuussissarneq soorunami mianernartorpassuarnik imaqartarpoq, imaaliillaannarlu avammut saqqummiussiffiusinnaasarani. Taamaatorli uani annertunerpaamik isertu-aatsuunissap, nunatsinnilu eqqartuussiviit sulinerannik paasisimaqarnissat inatsisitigut suleriaqqinnermi siunertat ilagivaat.

Pinerluttuliortarnerup aaqqissuussaasumik akiorniarsinnaanera uni aamma annertusar-neqartussaammat Inuit Ataqatigiinit pitsaasutut isigaarput. Taamatullu pinerlussimane-rup paasiniarnerata annertusarneqarnissaa siunnertaammat iluarisimaarnarpoq. Soor-lu ilaatigut ilisimannittut oqaaseqaateqartussaattillugit illersorneqartarnissaat siuariaat-sit annetuut ilagissavaat.

Oqarasuaatip angallattakkap pasineqartumit atorneqarneratigut politiit sumissusersisi-nissamik uani inatsimmi piginnaatinneqalernissaat aamma aqutissiuunneqarpoq. Taamatullu gps atorlugu inummik sumiissusersiorsinnaaneq periafissaalissaaq. Piner-lussimanermut paasissutissanik pissarsiniartarnernut tamanna iluaqutaassaaq.

Qarassaasiat atorlugit imaluunniit pinerlunniarnerni atorneqarsimasut politiinit simis-sorneqarsinnaalernissaat aamma inatsisitigut periafissaalissaaq.

# INUIT ATAQATIGIIT INATSIARTUNI



Soorlu oqaatigineqartoq, siusinnerusukkut pinerluttulerinermut inatsisit nunatsinnut naleqqussarlugit suliaasimasunut uani inatsisissatut siunnersuumi pitsanngorsaavigini-arneqarput. Ilaatigut aamma siunetaavoq, digitaliusumik unnerluussisinnaanerup atuut-tilernissaa. Tassasinilu digitaliusumik nunatsinni atortulersuinerup pitsanngorsaavigi-neqarnissaa siusinnerusukkut inatsimmik allamik suliaqarnermi eqqaaneqartutuut Naa-lakkersuisunut kaammattuutaasimavoq, tamannalu pisariaqarpoq.

Taamatut Inuit Ataqatigiinit oqaaseqarluta, siunnersuutip aappassaaniinnginnerani Inatisinut Ataatsimiititalimi suliarinerqaqinnissaa innersuusutigaarput.

Qujanaq.